




2490

Broj: Pk-293/19

Sarajevo, 11.10.2019. godina

Bosna i Hercegovina  
Federacija Bosne i Hercegovine  
**SKUPŠTINA KANTON SARAJEVO**  
Predsjedavajući Skupštine Kantona Sarajevo



**Predmet: Izjašnjenje Pravobranilaštva na Zastupničko pitanje vezano za rad kotlovnice u kampusu Univerziteta u Sarajevu**  
**Veza Vaš broj: 01-05-33063-63/19**

Kako smo Vašim aktom broj veze upoznati sa postavljenim zastupničkim pitanjem Zastupnice Segmedine Srna vezano za rad kotlovnice u kampusu Univerziteta u Sarajevu, na koje se traži odgovor Pravobranilaštva, izjašnjavamo se kako slijedi.

Pravobranilaštvo Kantona Sarajevo je organ koji je, postupajući u smislu odredbi Zakona o Pravobranilaštvu Kantona Sarajevo, štiteći imovinu Kantona i Zakona o visokom obrazovanju, štiteći imovinu Univerziteta, učestvovalo u postupku vraćanja kotlovnice i okončanja postupaka koji su se vodili između Univerziteta u Sarajevu i Unis energetike d.o.o. pred Sudom u cilju rješavanja situacije usljed koje je rad kotlovnice bio otežan i neizvjestan.

Nakon okončanog procesa u kojem se izdejstvovao povrat nepokretnosti u posjed Univerziteta u Sarajevu, Pravobranilaštvu je od Univerziteta u Sarajevu dostavljen Prijedlog "Ugovora o ustupanju prava korištenja termoenergetskog postrojenja za proizvodnju toplotne energije u Kampusu Univerziteta u Sarajevu sa pripadajućim instalacijama za isporuku toplotne energije" između Univerziteta u Sarajevu i KJKP Toplane Sarajevo d.o.o. Sarajevo kao ugovornih strana, evidentiran kao predmet br. M-133/19.

Dana 20.08.2019. Pravobranilaštvo se na dostavljeni Prijedlog Ugovora izjasnilo kako prijedlog ugovora ne sadrži podatke, niti je uz isti dostavljena dokumentacija iz koje bi se mogao cijeliti imovinski interes Univerziteta u Sarajevu, ili Kantona Sarajevo kao osnivača, što je neophodno za davanje mišljenje Pravobranilaštva. Ovo posebno kod činjenice da je ugovorom predviđeno ustupanje kotlovnice Toplanama bez naknade Univerzitetu i na neodređeno vrijeme, pa je samim tim nejasna i sama priroda ugovora obzirom na odredbe koje su na ovaj način regulisane.

Pored navedenog, Pravobranilaštvu nisu dostavljeni podaci o vlasništvu objekta, što bi bio osnov za postupanje u predmetu.

Nakon ovog izjašnjenja Pravobranilaštva, dana 03.09.2019. u prostorijama Rektorata Univerziteta upriličen je sastanak u prisustvu predstavnika ugovornih strana i resornog Ministarstva, na kojem je postupajući Zamjenik Pravobraniloca obrazložio nedostatke prijedloga ugovora.



Iako ne raspoložemo pisanim zapisnikom o održanom sastanku, ističemo kako je Zaključak sastanka bio da se Pravobranilaštvu dostavi kompletirana dokumentacija sa obrazloženjem imovinskog interesa, a Univerzitet i KJKP Toplane Sarajevo d.o.o. preduzmu aktivnosti na pripremi i osposobljavanju kotlovnice za preuzimanje, kako bi se mogao ispoštovati početak sezone grijanja.

Do danas Pravobranilaštvu nije dostavljena potrebna dokumentacija, niti podatak o daljem postupanju.

S poštovanjem,



ZAMJENIK PRAVOBRANIIOCA

Amela Saćiragić